

ادبیات عمومی و سیاسی

هفته‌لق سیاسی ، ادبی و علمی غزته‌در

جلد : ۱

سنه : ۱ ۶ صفر ۱۳۳۵ جمعه ایرتبی ۱۹ تشرین‌ثانی ۱۳۳۲ نومرو ۵

سیاسیات

مبهم بر دولت

۱

له استقلال ، اون دوقوزنجی عصرک یوزلرجه قیامت‌ملیه‌سنه رغماً ، آوروپالی اولدقلری‌حاله
حالا آوروپا حقوق عمومیه‌سندن استفاده ایده‌مین اورتا و کوچوک ملت‌لردن مرکب زنجیر اسرانی
برنجی حلقه‌سنی قیردی : بوزنجیرک قسم اعظمی چارک حدود مظالم‌نده ایدی ؛ اونلر ، ظاهراً
برر ملت ، و حقیقتده ایسه تاریخک کیزلدیکی برر حکومتدی ! قوانین غریبه‌سی ادراک بشردن
برآز و بلکه ایجه یوکسک اولان مقدراتک بعضاً اوילה تجلیاتی واردرکه حس ایدیلیر ، فقط
آکلاشیلماز : بوراده موضوع اولاجق حکومتده تاریخک اوילה بر تجلیسیدر ؛ حکمت وجودی
اولمایان و یا موقت اولان غیرطبیعی بعض دولتره مقابل ، اسارتی ادراک صیغمایان بر طاقم ملت‌لر
وار : بوکون مبهم اولان یارینکی حکومتلر ایشه اونلردر ؛ برقاچ دانه‌سی چارک پک غلط سیاست
اولان ملکنده اولدیغندن ، روسیه‌نک استقبالی شیمدی‌یه قدر برچوق مؤرخلر ایچون مه‌لکدی :
چونکه اونلر ، برره برره ، پومپه‌بیانک کوللر آلتندن ظهوری‌کبی ، کونک برنده اسارت آلتندن
قالقاجقلردی . لهستان استقلال بو نظریه‌نک تأییدینه دوغرو برنجی آدیم اولدی ، ایکنجی‌سنک
فینلاندا اولمایاجغنی هانکی موسقوف تأمین ایده‌بیلیر ؟...

پارس معاهده‌سنده ، آوروپا حکومتلری ، آوروپا حقوق بین‌الدولندن استفاده‌مزی تصدیق
ایله بزه اونوتولماز بریالان سویلشلردی : چونکه ، اولانیم آسیالیلر دکل ، دوغروندن دوغرویه
آوروپالی اولان ملت‌لر بیله استفاده ایتمه‌مشلر و ایده‌میورلردی ؛ وینه چونکه ، لزوم‌سز دولتلردن
زیاده اسارتده ملت‌لر واردی و حالا وار !
بوراده ، او زمره‌یه منسوب اولان فینلانديانک برآز وظائف تاریخیه‌سندن ، برآزده حال

کوستا لوبونک آثارندن :

تکامل خلأق قوانین روحیه سی

بو اثر ، عرقلرک روحنی تشکیل ایدن سجایای فن روح شناسی نقطه نظرندن تدقیقی و برملتنک تاریخ و مدنیتی ایله بوسجایای روحیه ارسنده کی مناسبت قطعیه بی اثبات ایتک مقصدیله یازلشدر . انقلابات سیاسیه ، محاربه ویا مهاجرتلر نتیجه سی اوله رق تصادفی و صنعی بر صورتده وجوده کلن تاریخی عرقلرک تشکلات اساسیه لری و ذهنیتلری بو اثرده موضوع بحث و بو ذهنیتلرینک طوغریدن طوغری به کندی تاریخلرینک محصله سی اولدیغنی اثبات ایدیلور . عرقلرک سجایای نه درجه به قدر ثابت ویا مستعد تحولدر ؟ فردیت و قوملر مساواته طوغری می یوریور ؟ یوقسه ارالرنده کی تصادف کیتدکجه تزايدی ایدیور ؟ برمدنیتک احتوا ایتدیکی صنایع ، تأسیسات و معتقدات کی عناصر ، عجباً طوغریدن طوغری به عرقلرک تظاهرات روحیه لریمدر ؟ دکلیدر ، و بوسپیدن ، عناصر مذکورده بر قومدن دیگرینه انتقال ایده بیلیری ؟ ایشته بو مسائل حل ایدلدکن صوکره خاتمه اثرده ، مدنیتلرک نه کی تأثیرات و الجانات آلتده منخفف و النهایه ، نابود اولدقلری ایضاح اولتمقده در .

عرقلرک روحی — محیط ، لسان ، تشریح و سیاسی جمعیتلردن چیقاریله میان عناصر تصنیف ، فن روح شناسی سایه سنده الده ایدیه بیلیر . پییقولوژی قواعدنجه ، هر قومک تأسیساتی ، صنایعی ، معتقداتی و تحولات سیاسیه سی آرقه سنده ، اوقومک تکاملنک سبب وجودی اولان بعض اخلاقی و فکری سجه لر واردر . اشته بوسجایانک هیئت مجموعه سی ، بر عرقلرک روحنی تشکیل ایدر . هر عرق ، بنیه تشریحیه سی قدر ثبات ، بر بنیه ذهنیه به مالکدر . بنیه ذهنیه نک تشکلات دماغیه ایله صوکره درجه علاقه دار اولدینی ، شبهه دن وارسته در . بر عرقلرک روحنی تشکیل ایدن سجایای اخلاقیه و فکریه ، ماضیسنک ، متروکات اخلافنک ، سوائق حرکاتنک صمیمی بر اعموذجیدر .

عینی عرقه منسوب فردیتلرک کافه سنده تفحصی قابل اولان بو عناصر روحیه نک انسجامندن ، « سجه ملیه » ، و ، هیئت مجموعه سندن ، بر قومی تعریف ایده بیلیمک ایچون لازم اولان « اعموذج » وجود بولور . هر عرقلرک اعموذجی قولایلقاه دیکرندن تفریق ایدیه بیلیمک ایچون ، او عرقلرک بهمه حاله کافی درجه ده اسکی اوله سی و بناء علیه فردیتلری آره سنده تجانس حاصل اوله بیلیمی لازمدر . بیک فرانسز ، بیک انگلیز ، بیک چینلی ، بیک دیگرلرینه نسبت اولنورسه ، آره لرنده چوق فرق کوریه بیلیر . فقط اونلر منسوب اولدقلری عرقدن ارثاً کندیلرینه انتقال ایدن بر طاقم سجایای مشترکیه مالکدرلر بو سایه ده چینلی بی بر فرانسز ویا انگلیزدن تفریق ایتک پک قولای اولور .

فردیتلرک تابع اولدقلری و حرکتلری ایچون بردستزر قطعی طانیدقلری تأثیرات خلاصه ایدیلیرسه ، بونلرک آباء واجدادک ، ابونیک و محیطک تأثیری عنوانی تحتنده تصنیف ایتک ممکن اولور . اجداد و ابونیک فردیتلره اولان تأثیری ، محیطک تأثیرینه نسبتله پک بویوکدر . انسان ، حیاتی مدتیجه و علی الخصوص دوره تحصیل و تربیه سی ائناسنده بولندیغی محیطلرک تأثیراتندن ، آنجق مدت مدیده ارثی تأثیرات منضم اولدیغی حالده تماماً متأثر اولور . دییه بیلرکه انسان ، هرشیئدن اول ، منسوب اولدیغی عرقک تمثالیدر . بر مملکت افرادنده ، طوغار طوغماز حاصل اولان افکار و حسیاتک هیئت مجموعه سی عرقک روحنی تشکیل ایدر . حد ذاتنده بوروج آنجق تأثیراتی اعتباریله حس اولنه بیلیر . چونکه هر قومک تکاملنه سائق اولان بورو حدر . اشخاصک حیات فردیه لری قیصه ، فقط حیات اجتماعی لری اوزوندور . بو حیات اجتماعی ، فردیتلرک منسوب وادامه سنه طبعاً ساعی اولدقلری عرقلرک حیاتیدر . شو حالده عرق ، یالکز بر حیات افراددن دکل ، وفات ایتش اولان اجداددن دخی شکل ایتش بر شخصیت دائمه عد ایدلک لازمدور . بر قوم ، خیاتده بولنان افراددن زیاده افول ایتش اولانلرک تأثیراتیه ساحه هستیده تنظیم حرکات ایلر . بر عرق ، بو تأثیرات وقرون واعضارک تعاقبی ایلله وجود بولور . اجدادمنز ، افکار و حسیاتمنز و بناء علیه حرکاتمنز سوائق حقیقه سی ابداع ایتدیلر . انسال سالفه ، کندی افکار و حسیاتی بزه تلقین ایتدکلرندن ، بزلر آنلرک بارسیتاتی طاشیور و مکافات فضائلیله مباهی اولیورز .

افکار و حسیاتک اتحادی ، عصرلرک تعاقبی سایه سنده قابل اوله بیلیر . انقلاباتک بیوک محسناتی ، اتحاد افکار و حسیاتک حصولی تسریع ایتلرنده مشهوددر . متجانس بر قومک روحنی تشکیله مدار اولان قوی اساسلر ، حسیات ، منافع و معتقداتده کی اشتراکدر . بر ملت ، بر واحد کل تشکیله موفق اولدقده ، افرادی آره منده ، غیر اختیاری بر اتحاد حاصل اولور ؛ آرتق صدر ملتده مناقشات واختلافات عمیقهر بوله ماز . اوکا پک بیوک بر قوت و نفوذ بخش ایدن بو اتحاد ، انطفایه یوز طوتدیغی آنده ، انحلال اقوام باشلار . هر زمان و هر قومده بو عمده عنعنات و افکار و حسیات ، درجات متفاوتده موجودیتنی اظهار ایتش ایسه ده پک بطی بر صورتده کسب فسخت ایده بیلمش و تظاهراتی اول امرده عائله ده صوکره کویده و بالاخره قصیه و ولایتده کوسترمش و بو اتساع نتیجه سی اوله رق « وطن » مفهومی فکر بشرده وجود بولشدور . بر روح ملی شکل ایتدکلن صوکره درکه « وطن » مفهومی لایقیله اکلاشیله بیلیر . عناصر ، حامعه سی آره سنده ، اهمیتدن عاری و پک آز ماینترلر بولنه بیا ، بر ملتک بر واحد کل تشکیله موفق اوله بیلمی ، زمانه متوققدر بر اولکادن ، بردنبه مثلاً ایتالیا کی بر حکومت تشکیل ایتک قابل اوله بیلیر . فقط بو صورتله بر روح ملی وجود بولدیغنه قانع اولق خطادر . اوراده وندیکی ، لومباردیالی واردر . آنجق ایتالیان هنوز کورولیور . مدنی عرقلرک هان جمله سی ، زمان ایلله ماهیت ثابته اکتساب ایده بیلمش و انموذج قومی بی وجوده کترمش بر طاقم تاریخی عرقلردن عبارتدر . عرقلرک روحی ، سجایانک بو ماهیت ثابته سی اثری اوله رق پک زیاده بطائله تحول ایدر .

سجایای عرقیه نک قابلیت تحویله سی — عرقلرک بنیه ذهنیه سی ، بر طاقم اوصاف اساسیه ثابته بی و تحوله تابع بعض صفات

تالیه بی حائزدر . محیط ، احوال ، تربیه کی عوامل ، بو صفات تالیه بی بعض تبدلانه اوغراتیر . خاطر دن دور طو تماماً لیدرکه بنیه ذهنیه منز ، الجاآت زمان و احوالک عدم مساعدده سندن طولایی

اظهاری ممکن اولیان بعض قابلیتله دخی مالکدر . ایسته بو قابلیت سایه سنده درکه انقلابات عظیمه نك قهرمانلری ، حیرت بخش عقول افعال و حرکاته موفق اولشلردر . بو قهرمانلر ، بزرگبی برر انسان ایدیلر . شوقدرکه احوال طبیعه ده ، دماغلرنده ، هر کسده اولدینی کبی ؛ ناظم بر حالده عاطل قالان بعض جیرات فوق العاده احوال قارشوسنده فعالیت اکتساب ایتشلردر . فقط ، احوال و اشخاص اوزرینه بیوک تحولاته سبیت ویرن بوخارقه نما هنکاملرده بیله عرقك ثابت اوصاف و سجایای اساسیه سی کوزه چارچمده در . نتیجه مقال اولق اوزره دییه بیلیرزکه مؤلف : اقوامك سجایای روحیه نك غیر قابل تحول اولدیغنی ادعا ایتیمور . یالکیز - بیان ایتدیکمزوجهله - بو سجایانك بیوک بر قوتله هر درلو تبدلاته مقاومت ایتکده اولدیغنی سرد واتیان و بر چوق ادله ایله نظریاتی اثبات ایلکده در .

عرقلك درجات اوزرینه تقسیمات روحیه سی — عروق بشریت ، اوصاف عمومی روحیه سی نظراعتباره آلتیق شرطیله ، ابتدائی ، عادی ، متوسط و عالی عنوانلری تحتند درت صنفه تقسیم ایدیله بیلیر . صنف اول ؛ حیوانیتدن هیچ آیرلامش و عرفاندن قطعاً حصه یاب اوله مامش آوسترالیا کبی عرقلردن عبارتدر .

عروق ابتدائیه نك فوقنده ، زنجیلر کبی بر طاقم عروق عادیه موجوددرکه بونلرک خاصه ممتازه سی ، حیوانیتدن براز اوزاقلاشمق و فقط مدنیتك آنجق پك سفلی طبقه سنه قدر ارتقا ایده بیلیمکده در . عروق متوسطیه کلنجه : بونلر ، هر نه قدر مدنیت عالیه نك انموذجلرینی ابداع ایتشلر ایه ده ، بوانموذجلره آنجق اوروپا اقوامی تفوق ایده بیلیمشلردر . بو صنفه : چین ، عرب ، موغول عرقلرینی ادخال ایده بیلیرز . عروق عالیه صره سنده ، هند و اوروپائی عرقلرینی ذکر ایتک لازمدر . کشفیات منه آنجق بو عرقله نصیب اولمشر .

عروق ابتدائیه ده ، محاکماده متفاوت بر فقدان اقتدار مشهوددر . بوندن طولاییدرکه بو عرقه منسوب اولانلر ، پك قولایلقله هر شیئه اینانیرلر . قابلیت تنقید ، بونلرده همان مفقود حکمنده در . عروق عادیه ده ، خاصه دقت و تفحص پك آرز ، فقط میل تقلید پك زیاده ، تحولات سجیویه پك قولای ، دوز بینلک مفقوددر . عروق عالیه ، سجه و فراست نقطه نظرندن عروق عادیه یه نسبتله پك چوق فرقلیدرلر . عروق عالیه منسوبینی آنجق سجه ده ارائه ایتدکلری فرقلر اعتباریله تدقیق ایدلیلدر . ذکای بشریتك سرمایه کشفیاتی ، اقوامدن اقوامه قابل انتقال بر میراشر . آنجق ، بر قومك سجایای ، اقوام سائر یه نقل ایدیله من . هر قومك فضائل و نواقصی ، کندیسنه منحصر قالیر . حیات اقوامده سجه نك تأثیراتی پك بیوکدر . عرقلك سجایای ذاتیه لری آره سنده موجود اولان مبیاینلر ، بونلری یکدیگرندن اوزاقلاشدیران عاملردر . عصرلردنبری عروق آره سنده دوام ایده کلن مجدلانك منبع و منشأ حقیقیسی بومبایت سجایادر . دعوی و کیلی کریدی

احمد سانی

